



الحياة بين يافنتين

رفع المدير رأسه ليجد النور امامه وقد شبك يديه من خلفه وفي عينيه اللمعة الطبيعية زادتها الحاجة مسكنة واسى .
 - آيوه يا النور في حاجة .
 - بس الحقيقة يا سيد حسن ..
 هذه الثواني من الصمت كان يخشاها . لماذا اقدم على هذه المفامرة . تطير عيشة عثمان وامو .
 - آيوه يا النور قول في حاجة .
 - الحقيقة يا سيد حسن عثمان ولدي ..

من جديد الثواني القاتلة . الصمت في مواجهة الحياة التي يجب ان تمتد في شخص اخر هو ابنه عثمان . حلق في عيني سيد حسن فلم يجد فيهما القابة المتوحشة التي كان يخشاها . وجد فيهما شيئاً مثل النيل هادئا وطيبا واليفيا ولكن لا يعرف انسان في الدنيا متى يتحول هذا الهدوء الى صاعقة او زوبعة ربما تؤدي الى قطع عيشه هو ايضا . وعندها فلنذهب التايه وابنها الى الجحيم . دي وقعة شنو . لو ترك والده عدة قراريط من الارض لما وقف مثل هذه الوقفة المذللة امام رجل ولدته امراة مثل ما ولدته امراة هي نايله بنت شيخ الطيب . احس بثقل الثواني كأنها صخرة قادمة من فجر التاريخ . فرقع اصابعه خلف ظهره وقال :
 - الحقيقة يا سيد حسن أنا دايرك تساعديني في مسألة عثمان ولدي .

- علي عيني وراسي انت رايد شنو بالظبط ياالنور ؟
 لم يصدق ان سيد حسن مدير الشركة . هذا الرجل الذي يساوي ما يلبسه في يوم واحد ما يتقاضاه هو من مرتب شهري .. يستجيب له بكل هذه الرفقة . يا مهون بالحقا بعيد تتم جميلك . تتمم بكلمات لم تذهب بعيدا عن فمه ثم قال :
 - دايرك يا سيد حسن تشوف ليهو شغلته .
 نفص المدير رماذ سيجارته ومسح جبهته واراد ان يبدأ الحديث ولكن النور لاحقه :

- طبعا يا سيد حسن عثمان ولدي زي نادر ولك .
 - ياما اعتبرت كل الاولاد الزيو اولادي .
 (النور يعرف انه يكذب تماما ..)
 يمضي ..
 - لكن انت ما كلمتني من بدري ليه ؟
 - هو يا دوب بقى للشغل .

داخل السور وخارج السور . بالحاق بعيد . يا عايش اللودة بين حجرين . عندما هبط النور الى المدينة لم يستقبله « البندر » (X) ببشاشة . ولم تتعاطف معه حتى الشمس التي خيل اليه انها ملتبهية اكثر من شمس قريته وان اناس في المدينة يعرفون كيف يباصرون حرارتها بالكيفيات والثلج والمراوح والمرضات . دار الزمن دورته فلحق بالنور من تبقى من أسرته في القرية .. زوجته « آلتايه » وطفله عثمان الذي لم يتعد العامين من العمر . داخ في المدينة حتى توسط فرب له من بعيد ليشغله خفيرا بمرتب لا يزيد عن الاثني عشر جنيها . الايام كلها تدور نفس اللودة والحلقة تزداد ضيقا والتلته هي السمسة المميزة لتلاشيها . وكم عانى النور وهو يجابه الاطباء في مستشفى الخرطوم - والمرضين والمرضات ايضا - من اجل نقطة دواء لزوجته او طفله ، ودار الزمن دورته من جديد وشب عثمان اطفال الصغير ويوم ان قالت له زوجته : « ما نشوف طريقة مدرسة للولد ده .. الزمن ده زمن تعليم » كساد ان يكسر رقبتها في سره .

- يا وليه ما تخافي الله نحن قادرين ناكل !
 خفضت بعرها ورحلت بعيدا عن عينيه الملتئمين حنقا وكربا .
 - طيب نسوي ليهو شنو ؟
 - نشوف ليهو شغلته .
 - جاهل مثل ده بيشتغل شنو ؟
 - يا وليه الله كريم .

ذلك اليوم ضاقت الحلقة وظل النور طوال الليل يسلمه الارق الى الارق . وقبل ان ينام تماما قال لنفسه (طيب أنا سيد حسن ده اصلو ما طلبت منو خمة وهو مدير الشركة .. هو المدير وانا الفغير حاقول ليهو شنو ؟ اليسويها الله تبقى . باكر انا اكلمو اصلو داير ياكلني . آقول ليهو عثمان ولدي ده زي نادر ولك . لكن زيوكيف؟ ده ابو هو المدير وده ابو هو ان الفغير . بالحاق بعيد . يا عايش اللودة بين حجرين) .

ظل التردد يسد عليه الطريق . لا يدري لماذا يتردد . كلمتين ثلاثة للمدير اصلو عاوز ياكلهم ، كانت الساعة قد جاوزت الثانية والنصف ومكاتب الشركة خالية تماما وسيد حسن مدير الشركة موجود بمكتبه الاتيق . تقدم النور نحو المكتب وهو يحاول الانفلات من مصيدة الحيرة والتردد .. يا قوي .. بالحاق بعيد . في مواجهة المدير عادت سبحات التردد والجفول من جديد تسد عليه الطريق .

- اقصد من اول السنة المالية .

- انا عارف يا سيد حسن اوله من اخره .

- اصلو يا النور السنة المالية الحالية قربت تنتهي وما بتقدر نعين زول الا في السنة المالية الجديدة وحتى بنود الخصم كلها صرفت . ما بتقدر تصبر لحد اول السنة المالية الجديدة .. كلها كم شهر ..

- نصبر كيف يا سيد حسن.. لو ما قدرة الله ما عارف كنا عملنا كيف .

مسح المدير برفق على جبهته ثم أشعل سيجارة راح ينفث دخانها في عصبية بدت للنور مفتعلة . رن جرس التليفون . تناوله المدير وبدا يتحدث حديثا نصفه بالانجليزية . كل ذلك والنور مربوط بخلجات وجهه حيث يرقد الامل والياس . البداية والنهاية . كلمة واحدة في غير موضعها قد تؤدي بمشروع انسان . داخل وخارج السور .. هذه هي المسألة يا النور . الجوه جوه واليره بره . ولكن هبال الامل لا بد ان تمتد لمن شرع في الفرق حتف انفه . وضع المدير السماعة ثم التفت ناحية النور الواقف امامه في ادب لم يقف بمثله لانسان من قبل حتى النذير الصمته القاسي الذي كان كل شيء في القرية يرتجف لرااه .

- طيب يا النور المسألة زي ما قلت ليك .

- تقصد ما في امل يا سيد حسن .

قال النور هذه الكلمات من فوق شرف الخاطر المكسور . من فوق شرف الهم الجرح الذي يعمى القلب . تذكر المرافة التي قالت له الشهر الماضي عندما اصر على ان يستكشف مشواره في الدنيا .

- قدامك سكة عديله وخطوك بيضاء .

- الولد ده ذاتو سكتو عديله . ما تشيل هم .

يتحنج المدير وهو يلطم اوراقه استعدادا لمغادرة المكتب .

قال بنفس العصبية التي بدت للنور في وقت سابق مفتعلة :

- طبعاً يا النور زي ما قلت ليك . عثمان زي نادر ولدي تمام وعشان كده انا حاقدم ليك الخدمة الطلبتها مني .

- يا سلام يا سيد حسن انا قلبي كان محدثني .

- من هنا لحد اول السنة المالية انا حاشطلو في المساء معانا في نادي التنس بتامنا اهو نطلع ليهو قرشين ثلاثة لحد اول السنة المالية .. ومع بداية السنة المالية يشتغل في ورشة الشركة . والله الصنعة ياالنور احسن وربك يهون ويدنا العافية .

- والله انا ما عارف اجازيك كيف .

- عيب يا النور عيب .. بس خلي عثمان يجيني باكر الصباح مشان اتفق معاهو ..

- شكرا يا سيد حسن .

زالت غشاوات الدهشة الاولى لدى عثمان . تعود ان يجيء قبلهم جميعا بقميص ورداء نظيفين اشتراهما له سيد حسن . ومع زوال غشاوات الدهشة تعلم عثمان اشياء كثيرة . السرعة في احضار الكرات ورميها برفق للاعبين وبينهم دائما حسن وابنه نادر . وتعلم شيئا اسمه الذوق والابتسام الدائم في اوجه اللاعبين وعدم التدخل في الاشياء التي لا تخصه . وقال سيد حسن للنور ان عثمان يتقدم بسرعة .

- والله انا مبسوط منو وحتزيمو خمسين قرش .

تعود عثمان على رؤية فتيات مثل فلقة القمر . واجسادهن في ليونة اعواد اللرة عندما تهزها في الخريف رياح الشتاء . حفظ اسماهن : هند .. ناهد .. اميرة .. سلاف .. بسبس .. كوكو . اماني .. سلاف بنت شقية ابوها مقال كبير . يا زول عندهم عربيتين .

كانت دونها سبب ظاهر تحاول اغاظته لانه نطق اسمها خطاهمركين ..

- والله اسم زي ده في بلدنا اصلو مافي .

- انت شافع ظاهر عليك راسك قوي .

- انا عملت ليك حاجة .

- مليون حاجة . ودمك ذاتو ثقيل .

مرت اربعة اشهر وعثمان يتعلم كل شيء جديد من هؤلاء الناس . في كل مرة كانوا ينادون فيها الملعب بمرباتهم شيء كاليتم او اللقد المفاجيء كان يعيطه . وعندما تعلق الضحكات الجلجلة وهم يجفون عرقهم ببشاكير نظيفة يحضرها هو من احد اركان الملعب شيء كالموع الحبيسة يقضى قلبه الصغير .

- شوف يا ولد ده اكل عيشي اوعى تتلاعب . يقولو ليك اعامل حاجة تعملها طوالي وخشمك كارس مفهوم . كل يوم تفسل الهدوم ديل نضاف . الناس ديل ناس كبار ومحترمين ودي خدمة قدمها لينا سيد حسن .. لو مشيت عملت كده ولا كده عكازي ده فوق راسك . مفهوم . حاضر بابا .

الجميع في حالة انسجام وحماس للعبة التنس وعثمان نشيط كعادته يقفز خارج السور ويحضر الكرات والبشاكير ويقطع ابسامته الدائمة على وجهه النحيل الذي لفته شمس العصريات الحرقه . الرجال والفتيات والاولاد الذين هم في سنه واكبر قليلا يتادونه باسمه .

- اجري شويه يا عثمان .

- جيب بشكير اماني الاخضر .

وتمر الدقائق وهو يؤدي نفس الدور الذي يؤديه في صبر ودقة منذ اربعة اشهر . وحرص عثمان على دوره كان يوازي عصا والده الفليظة . عثمان يقفز خارج السور ليحضر احدى الكرات . سلاف بملابسها البيضاء وعينيهما الشقيقتين تنتظره ليلقي لها الكرة بسرعة .

- ما معقول ناهد تفلنا .

- دي كيشه (X) ومسجدة كمان .

يقذف عثمان الكرة بكل مافي جسمه الصغير من قوة . تباهت سلاف بالكرة فوق وجهها . لم يدر عثمان من اين آتته هذه القوة التي اسالت الدم من آنف البنت . حالة من الذعر الشديد انتابت عثمان . جرى ليحضر ماء ولكنه عاد من منتصف الطريق . جرى ليحضر بشكيراً ولكنه عاد من منتصف الطريق . عيناه من الخوف تحولتا الى قيسر قديم .

- بسيطة يا جماعة سلاف اصلها عندها حساسية في الانف .

- بسيطة شنو .. ده ود فقري جدا . اصلهم كده الواحد يجيك

هميان وشويه شويه يتعلم الحسادة . ناس قدر ما تعمل فيهم ما يبتفع .

نظرت البنت في قعر عينيه ثم قالت :

- ما عايزين نشوفك .. هنا تاني .

قال النور ..

- يا سيد حسن انا قلت اذكرك بالسنة القلتها عشان عثمان ..

- يا اخي مش كفاية العملو عثمان .. دخلني في اصافريني .

« بمعنى اظافري » .

(X) البندر : المدينة بالدارجة السودانية .

(X) كيشه : لفظه دارجة سودانية تطلق على الشخص الذي يجهل

الاشياء .